

## भजन “भये प्रगट कृपाला दीनदयाला”

भये प्रगट कृपाला दीनदयाला कौशल्या हितकारी ।  
हर्षित महतारी मुनि मन हारी अब्दुत रूप विचारी ।  
लोचन अभिरामा तनु घनस्यामा निज आयुध भुज चारी ।  
भूषण वनमाला नयन बिसाला शोभासिंधू खरारी ।  
कह दुई कर जोरी अस्तुति तोरी कही बिधि करौं अनंता ।  
माया गुण ज्ञाना तीत अमाना वेद पुरान भनंता ।  
करुना सुखसागर सुब गुण आगर जेहि गावाहिं श्रुति संता ।  
सो मम हित लागी जन अनुरागी भयौ प्रगट श्रीकंता ।  
ब्रमांड निकाया निर्मित माया रोम-रोम प्रति वेद कहे ।  
मम उर सो बासी यह उपहासी सुनत धीर मति थिर न रहे ।  
उपजा जब ज्ञाना प्रभु मुस्काना चरित बहुत बिधि कीन्ह चहे ।  
कही कथा सुहाई मातु बुझाई जेहि प्रकार सूत प्रेम लहे ।  
माता पुनि बोली सो मति डोली तजहु तात यह रूपा ।  
कीजै शिशु लीला अति प्रियशीला यह सुख परम अनूपा ।  
सुनी वचन सुजाना रोदन ठाना होई बालक सुरभूपा ।  
यह चरित जे गावही हरिपद पावही ते ना परहिं भवकूपा ।  
भये प्रगट कृपाला दीनदयाला कौशल्या हितकारी ।  
हर्षित महतारी मुनि मन हारी अब्दुत रूप विचारी ।